

國子監則例



第十一冊

國子監則例卷十三目錄

繩愆廳 咨送試差內外簾官

咨送考試試差

咨送各省鄉試正副考官

咨送會試同考官

咨送鄉會試外簾官

咨送武鄉會試外簾官



國子監則例卷十三

繩愆廳 咨送試差內外簾官

擬改現行事例

一咨送考試試差○凡遇鄉試之年。四月。例考試差。吏部行取應考人員。除出差未回者。毋庸咨送外。將由進士出身之堂屬各官。開列銜名。年歲。履歷科分籍貫。歷俸年月。並擬存注明曾否充正副考官。同考官。學差字樣。咨送吏部。其職在八品以下之進士出身者。例不准送。

擬改

一咨送各省鄉試正副考官○凡遇鄉試之年
禮部行取典試官員即將本監由進士出身之
堂屬各官開列銜名年歲履歷科分籍貫歷俸
年月並注明曾否充正副考官同考官字樣咨
送禮部辦理至開列人員有無出差升遷事故
禮部於將次具題之時咨查到監即於三日內
咨覆過部

擬存

一咨送會試同考官○凡遇禮部行取會試同
考官即將本監考差之堂屬各官開列銜名年
歲履歷科分籍貫兼寫清漢字樣於二月初十
日前咨送

擬存

一洛送鄉會試外簾官。凡遇禮部行取鄉會

試外簾官。即將本監應行開列人員年歲履歷

籍貫兼寫清漢字樣。洛送禮部辦理。直隸籍貫人員不開

鄉會試外簾官。除舉人出身之員自行會試。毋

庸洛送外。餘同鄉試。

擬改
一咨送武鄉會試外簾官○凡遇兵部行取武鄉會試外簾官即將本監應行開列各官聲明並無應行迴避之人開送兵部如無應送之員亦即咨覆查照其應送人員內如有本族及有服姻親考試應行迴避者即自行注明不必開送

謹案武鄉會試考官外簾官應聲明並無應行迴避之處今遵
嘉慶五年兵部
奏准增入

例案

擬增雍正元年議准順天鄉試外簾官禮部行文各

衙門將進士舉人出身之員外郎主事評事博

士內閣中書國子監助教開列題請

擬增乾隆二十八年議准嗣後開列外簾人員以三

十員為率恭請

欽派十八員足數點用凡順天鄉試內閣中書開送
四員吏禮兵工四部各開送二員戶刑二部各
開送六員其宗人府翰林院詹事府都察院大

理寺通政司。太常寺。光祿寺。太僕寺。中書科等衙門酌擬各一員。如無合例之員。查國子監監丞助教等官。俱係科目出身。員數亦多。臨期禮部行文該監。指定員數開送。以補別衙門不足之數。儻實無合例人員足數。禮部隨本聲明。此內如有考過試差人員。應行扣除。

國子監則例卷十四目錄

繩愆廳 經理

稽覈功過簿

稽覈集愆冊

稽察諸生吏役

肄業生膏火獎賞

賙助移付

題請選拔貢生

會考續到拔貢優貢生

送考翰林院孔目

謹案舊例載入肄業門今擬另分為一卷

國子監則例卷十四

繩愆廳 經理

現行事例

擬增

一稽覈功過簿○凡本監滿漢各屬記功記過
詳載事由及年月日立簿呈堂批發由廳收存
以備

京察甄別

謹案舊例未載今擬增入

擬改
一稽覈集愆冊○凡肄業生有不守學規者各
堂助教等移付至廳呈堂懲戒仍將所犯過失
書於集愆冊以憑甄別

謹案舊例未經載明今擬改載

擬存
一稽察諸生吏役○凡諸生學校進身以孝弟

忠信禮義廉恥為本必先隆師親友養成忠厚
之風以須仕進敢有違背師長及生事告訐者
即係干犯名義有傷風化呈堂懲處至有借肄
業名色一遇試期鑽營作弊者一經查出檢舉
究辦其貢監生到監有官吏及皂役人等借端
勒索者嚴行糾察分別呈堂議治

擬改
一肄業生膏火獎賞○凡肄業生每月應給膏
火衣服銀兩由廳按名查覈具稿呈堂批發錢
糧處辦理大課獎賞銀兩由廳查覈名數移付
錢糧處給發

謹案舊例分列二條今擬併為一條

擬存
一 調助移付。○凡肄業生。有丁憂病故者。由各
堂助教等。帶領該生同鄉肄業一人。呈堂批發
至廳。查明省分遠近。按例調助移付錢糧處給
發。

擬存
一題請選拔貢生。○凡選拔貢生。每十二年一
舉行。應行選拔之前一年。九月內本監具題請

旨奉

旨後抄錄原奏知照各衙門。

由禮部知照各直省。

擬存
一會考續到拔貢優貢生○凡直省續到拔貢
生由禮部會銜具奏請

旨命題即在禮部衙門考試本監堂官至禮部公同
閱卷分別等第進呈

欽定由部劄監肄業會考優貢生亦同此例

擬增
一送考翰林院孔目。凡翰林院孔目缺出。准吏部來文。由廳查明在監內外班肄業之恩拔副貢生。咨送過部。候考。其未補班者。不准送考。

謹案舊例未載。今擬增入。

例案

擬存

順治元年定監丞置立集愆冊有不守學規者
既經懲治仍填入集愆冊以憑通考

乾隆七年奉

擬增

上諭國家於科目取士之外又有拔貢一途所以拔未
盡之人材以廣備用之數也我朝教澤涵濡人文日
盛又復屢開恩科加添中額是以所取進士濟濟多
人而舉人則日積日衆竟有需次多年而不得一官
者此亦事勢之必然無足怪者朕為此時屢於懷屢

籌疏通之策。若又添取拔貢以分其缺。數年一次舉
行。則人愈多而缺愈少。舉人銓選更遙遙無期矣。朕
思拔貢乃係生員中之優者。夫既為文學華瞻之青
衿。則應科舉時自可脫穎而出。又不專藉選拔以為
呈身之路也。查從前選拔或數十年一舉。或二十年
一舉。今則六年一舉。為期太近。理應酌量變通。嗣後
著定為十二年選拔一次。永著為例。欽此。

